

იაკობ ცურტაველი

წამებად წმიდისა შუშანიკისი
დედოფლისაჲ



იაკობ ცურგაველი
წამებაა წმიდისა
შუშანიკისი დედოფლისაჲ

ცურგაველი ი.

წამებაჲ წმიდისა შუშანიკისი დედოფლისაჲ / ი. ცურგაველი —
«Public Domain»,

Содержание

I	5
II	6
III	7
IV	8
V	9
Конец ознакомительного фрагмента.	10

იაკობ ცურგაველი წამება წმიდისა შუშანიკისი დედოფლისაჲ

I

და აწ ღამეკიციებულად გითხრა თქვენ აღსასრული წმიდისა და
სანაგრელისა შუშანიკისი.

იყო მერვესა წელსა სპარსთა მეფისაჲსა კარად სამეფოდ წარემართა ვარსკენ პიგიახში ძმ
არშუშაჲსი. რამეთუ პირველ იგიცა იყო ქრისტიანე, ნაშობი მამისა და დედისა ქრისტიანეთაჲ.
და ცოლად მისა იყო ასული ვარდანისი სომეხთა სპაჲპეგისაჲ, რომლისათჳს ესე მიეწერე
თქვენდა, მამისაგან სახელით ვარდან და სიყუარულით სახელი მისი შუშანიკ, მოშიში
ღმრთისაჲ, ვითარცა იგი ვთქუთ, სიყრმითგან თჳსით. და უკეთურებისა მის სახისა ქმრისა
მისისაჲსა მარადის გულს ეგყვნ და ევედრებინ ყოველთაჲე ლოცვის ყოფად მისთჳს, რაჲთამცა
ცვალა იგი ღმერთმან სახისა მისგან უგუნურებისა და იქმნამცა გონიერებასა ქრისტისაჲსა.

ხოლო ამის უბადრუკისა და სამგზის საწყალობელისა ვარსკენისი ვითარმე ვინ თქუას
ყოვლად განწირულისაჲ, ვითარ-იგი განაგდო სანაგრელი სასოებაჲ ქრისტისაჲსი! ანუ ვინ არა
სტიროდის მას, რომელსა არცა ჭირი ეხილვა, არცა შიში, არცა მახული, არცა პყრობილება
ქრისტისაჲსთჳს.

რამეთუ რაჲმს წარდგა იგი წინაშე სპარსთა მეფისა, არა თუ პატივისა მოღებისათჳს,
არამედ ძლუნად თავსა თჳსსა შესწირვიდა მეფისა მის მიმართ უვარის-ყოფითა ჭეშმარიტისა
ღმრთისაჲთა და თაყუანის-სცემდა ცეცხლსა, რამეთუ ყოვლით კერძოვე თავი თჳსი
ქრისტისაგან განაგდო. ხოლო საწყალობელი ესე ცოლსა ითხოვდა სპარსთა მეფისგან,
რაჲთამცა სათნო ეყო მეფესა, და ესრეთ ეგყოდა, ვითარმედ “რომელი-იგი ბუნებით ცოლი
არს და შვილნი, იგინიცა ესრევე მოვაქცინე შენსა შჯულსა, ვითარცა ესე მე”. ამას უქალებდა,
რომელ-იგი არა აქუნდა კელთა შუშანიკისგან. მაშინ განიხარა მეფემან და ბრძანა ცოლად მისა
ასული მეფისაჲ.

II

და იჯმნა მეფისაგან სპარსთაჲსა პიგიახშმან. და, ვითარცა მოიწია იგი სამღვართა ქართლისათა, ქუეყანასა მას ჰერეთისასა, მრახვა-ყო, რაჲთა აუწყოს და წინა მიეგებნენ მას აზნაურნი და მისნი ძენი და მსახურნი მისნი, რაჲთა მათ გამო ვითარცა ერთგული სოფლად შევიდეს. და წარმოჰმართა სადიასპანოჲთა ცხენითა მონაჲ თჳსი, ვითარ[მ]ცა მოვიდა ღაბასა, რომელსა სახელი ჰრქჳან ცურგავ.

და ვითარცა მოიწია და შევიდა წინაშე შუშანიკისა დედოფლისა ჩუენისა, კითხვაჲ ჰრქჳა. ხოლო სანაგრელმან შუშანიკ ვითარცა წინ[აჲს]არმეგველმან ჰრქჳა: “უკუეთუ სულითა ცხოველ არს იგი, ცოცხალმცა ხართ იგიცა და შენცა. უკუეთუ სულითა მომკუდარ ხართ, მოკითხვაჲ ეგე შენი შენდავე მოიქეცინ”. ხოლო კაცმან მან ვერ იკადრა სიგჳუად მისა. ხოლო წმიდაჲ შუშანიკ აფუცებდა და ჰკითხვიდა დამტკიცებულად. ხოლო კაცმან უთხრა მართალი და ჰრქჳა, ვითარმედ: “ვარსქენ უვარ-ყო ჭეშმარიტი ღმერთი”.

ვითარცა ესმა ნეგარსა შუშანიკს, დავარდა იგი ქუეყანასა ზედა და თავსა დამართ სცემდა და ცრემლითა მწართა იცჳოდა: “საწყალობელ იქმნა უბადრუკი ვარსქენ, რამეთუ უვარ-ყო ჭეშმარიტი ღმერთი და აღიარა არგოშანი და შეერთო იგი უღმრთოთა”.

და აღდგა და დაუგეჲა გაძარი თჳსი და ღმრთის მომიშებით ეკლესიად შევიდა და თან მიიყვანნა სამნი იგი ძენი მისნი და ერთი ასული და წარადგინნა იგინი წინაშე საკურთხეველსა და ესრეთ ილოცვიდა და იცჳოდა: “უფალო ღმერთო, შენნი მოცემულნი არიან და შენ დაიცვენ ესენი, განათლებულნი წმიდისაგან ემბაზისა მაღლითა სულისა წმიდისაჲთა, ყოფად ერთ სამწყსო ერთისა მწყემსისა უფლისა ჩუენისა იესუ ქრისტესა”.

და ვითარცა მწუხრისა ჟამი აღასრულეს, სახლაკი ერთი მცირე ჰოვა მახლობელად ეკლესიასა და შევიდა მუნ შინ სიმწართა საგსტ და მიეყრდნა ყურესა ერთსა და მწართა ცრემლითა გიროდა.

III

ხოლო ეპისკოპოსი იგი სახლისაჲ, მის პიგიახშისაჲ, რომელსა სახელი ერქუა აფოც, არა მუნ იყო, არამედ კაცისა ვისამე წმიდისა ვანად მისრულ იყო კითხვად რაჲსმე სიგჳსა. და მეცა, ხუცესი დედოფლისა შუშანიკისი, თანა ვჰყვანდი ეპისკოპოსსა მას. და მყის მოიწია ჩუენდა ღიაკონი შინაჲთ და გჳთხრა ჩუენ ესე ყოველი: მოსლვაჲ პიგიახშისაჲ და საქმენი დედოფლისანი. ხოლო ჩუენ აღვივსენით მწუხარებითა და ღიღითა გირილითა ვგიროდეთ განმწარებულნი ცოდვათა ჩუენთა წარმოჩინებისათჳს.

ხოლო მე ვიჯმენ აღრე და მივიწიე დაბასა მას, რომელსაცა იყო ნეგარი შუშანიკ. და, ვითარცა ვიხილე იგი განმწარებული, მეცა ვგიროდე მის თანავე. და ვარქუ ნეგარსა შუშანიკს: “ღუაწლსა დიდსა შესლვად ხარ, დედოფალო, ეკრძალე სარწმუნოებასა ქრისტჳსსა, ნუკუე მგერმან ვითარცა სრსულმან საძოვარი პოოს შენ თანა”. ხოლო წმიდამან შუშანიკ მრქუა მე: “ხუცეს, და მეცა დიდსა ღუაწლსა განმზადებულ ვარ”. და მე ვარქუა მას: “ეგრეთ არს, მკნე იყავ, მოთმინე და სულგრძელ”. ხოლო მან მრქუა მე: “ჩემდა მარგოჲსა არიან ჭირნი ესე”. ხოლო მე ვარქუ მას: “ჭირი შენი. ჭირი ჩუენი არს და სიხარული შენი, სიხარული ჩუენი არს. ჩუენი არა ხოლო თუ დედოფალი ოდენ იყავ, არამედ ჩუენ ყოველთა ვითარცა შვილთა გუხედევდ”.

და ვარქუ მე სანაგრელსა მას ხუაშიადად-რე: “ვითარ გეგულების, მითხარ მე, რაჲთა უწყოდი და აღვწერო შრომაჲ შენი”. ხოლო მან მრქუა მე: “რაჲსა მკითხავ ამას?”. და მე მიუგე და ვარქუ მას: “მტკიცელ სდგაა?”. და მან მრქუა მე: “ნუ იყოფინ ჩემდა, თუმცა ვეზიარე საქმეთა და ცოდვათა ვარსქენისთა”. მე მიუგე და ვარქუ მას: “მწარე გონებაჲ აქეს მას, გუემასა და განჯვასა დიდსა შეგაგდოს შენ”. ხოლო მან მრქუა მე: “უმჯობჳს არს ჩემდა კელთა მისთაგან სიკუდილი, ვიდრე ჩემი და მისი შეკრებაჲ და წარწყმედაჲ სულისა ჩემისაჲ; რამეთუ მასმიეს მე პავლჳს მოციქულისაგან: “არა დამონებულ არს ძმაჲ, გინა დაჲ, არამედ განეყენენ”. და მე ვთქუ: “ეგრეთ არს”.

IV

და ვიდრე ჩუენ ამას სიგყუასა შინ ვიყვენით, კაცი ერთი სპარსი მოვიდა და შევიდა იგი წინაშე ნეგარისა შუშანიკისა და გირილით იცოდა: “ესევეითარი სახლი მშჯლობისაჲ ვითარ საწყალობელ იქმნა და სიხარული მწუხარებაჲ გარდაიქცა!”. ხოლო მრახვითა იყო იგი ვარსკენისითა და ბაკუვით იცოდა ამას და უნდა მონადირებაჲ ნეგარისაჲ მის. ხოლო წმიდამან მან ცნა ბაკუვითი იგი მრახვაჲ მისი და მოიბლუდა თავი მისი მტკიცედ.

და შემდგომად სამისა დღისა მოვიდა ვარსკენი პიგიახში. და უთხრა სპარსმან მან ფარულად და ჰრქუა: “მე ვითარ მიცნობიეს, ცოლი შენი განდგომილ არს შენგან. და მე გეგყვ შენ: ნუ რას ფიცხელსა სიგყუასა ეგყვ მას, რამეთუ დედათა ბუნებაჲ იწრო არს”.

და ხვალისა დღე ვითარ აღდგა პიგიახში, გვწოდა ჩუენ ხუცესთა და მივედით. და სიხარულით შეგვძითხვნა და გურქუა ჩუენ: “აწ ნუ რას მერიდებით მე და ნუცალა გძაგ”. და ჩუენ მიუგეთ და ვარქუთ: “წარსწყმიდე თავი შენი და ჩუენცა წარგუწყმიდენ”. მაშინდა იწყო სიგყუად და თქუა: “რამსა კელ-იწიფა ჩემ ზელა ცოლმან ჩემმან ესევეითარისა საქმედ? აწ მივედით და არქუთ, ვითარმედ “შენ ჩემი ხაგი დაამკუ, და საგებელსა ჩემსა ნაცარი გარდაასხ, და შენი აღგილი დაგიგევებიეს, და სხუად წარსულ ხარ”.

ხოლო წმიდამან შუშანიკ თქუა: “არა თუ მე აღმემართა ხაგი იგი და მემცა დავამკუ. ხოლო მამამან შენმან აღჰმართნა სამარგულენი და ეკლესიანი აღაშენნა, და შენ მამისა შენისა საქმენი განჰრყუნენ და სხუად გარდააქციენ კეთილნი მისნი; მამამან შენმან წმიდანი შემოიხუნა სახიდ თვსა, ხოლო შენ დევნი შემოიხუნენ; მან ღმერთი ცათაჲ და ქუეყანისაჲ აღიარა და ჰრწმენა, ხოლო შენ ღმერთი ჭეშმარიტი უარ-ჰყავ და ცეცხლსა თაყუანის-ეც. და ვითარცა შენ შემოქმედი შენი უვარ-ჰყავ, ეგრეცა მე შენ შეურაცხ გყავ. და თუ მრავალი განჯვაჲ მოაწიო ჩემ ზელა, მე არა ვეზიარო საქმეთა შენთა”. ხოლო ჩუენ ესე ყოველი მიუთხართ პიგიახშსა. ხოლო მან განიწყო გული და იბრდლუენდა მისთვის.

V

მერმე მიავლინა ჯოჯიკი, ძმაჲ თჳსი, და ცოლი ჯოჯიკისი, ძმის ცოლი თჳსი, და ეპისკოპოსი სახლისა თჳსისაჲ და ჰრქუა მათ: “ესრეთ არქუთ: აღდეგ და მოვედ აღგილსა თჳსსა და ნუ ეგვევითარი გონებაჲ გიპყრიეს! უკუეთუ არა, თრევით მოგითრიო”.

და ვითარ მიიწინეს და შევიდეს წინაშე დედოფლისა და მრავალსა დასაჯერებელსა სიტყუასა ეტყოდეს მას, მაშინ წმიდამან შუშანიკი ჰრქუა მათ: “კაცნო ბრძენო, თქუენ კეთილად იტყუთ, გარნა ნუ დაგიჯერებიეს, თუმცა მე მისა ცოლადღა ვიყავ. მეგონა მე, ვითარმედ იგი ჩემდა მოვაქციო და ღმერთი ჭეშმარიტი აღიაროს, და აწ მე მაიძულებთ ამას ყოფად? ნუ იყოფინ ესე ჩემდა! და შენ, ჯოჯიკი, არღარა ჩემი მამლი ხარ, და არცაღა მე შენი ძმის ცოლი, არცა ცოლი შენი დაჲ ჩემი არს, რომელნი მის კერძო და მისთა საქმეთა ზიარ ხართ”. ჰრქუა მას ჯოჯიკი: “უწყი მე, აწ მოავლინნეს მსახურნი და თრევით წარგიყვანოს შენ”. ხოლო წმიდამან შუშანიკი ჰრქუა: “უკუეთუ შემკრას და მითრიოს, მიხარის, რამეთუ მით სახითა იყოს განჩინებაჲ ჩემი მისგან”.

Конец ознакомительного фрагмента.

Текст предоставлен ООО «ЛитРес».

Прочитайте эту книгу целиком, [купив полную легальную версию](#) на ЛитРес.

Безопасно оплатить книгу можно банковской картой Visa, MasterCard, Maestro, со счета мобильного телефона, с платежного терминала, в салоне МТС или Связной, через PayPal, WebMoney, Яндекс.Деньги, QIWI Кошелек, бонусными картами или другим удобным Вам способом.